

INFORMAZION

Agiornà l Desch de la comunicazion

Tel grop de lurier l'è stat confermà Sabrina Rasom, responsabola di Servijes linguistic del CGF desche raprezentanta de la comunanza ladina

Con n provediment aproà en vender ai 10 de messèl da la Jonta de la Provincia de Trent l'è stat aggiornà la composizion del Desch per la comunicazion de la mendranzes linguistiche.

Chest Desch l'è na encèria emportanta per la comunicazion e l'informazion ai sentadins de mendranza linguistica ajache l cogn definir i plans e la azions de intervent che chest setor per arseguerè sul

teritorie provinzièl la giusta visibilità e informazion sui projec e la scomenzadives.

«L'emportanza de l'informazion per ladìn, mochen e cimbro se l'è veduda amò de più endèna l lockdown – à dit l president de la Provincia de Trent Maurizio Fugatti – canche l'è stat de besegn de ge fèr a saer a la jent colugn comportamenc tor sù per limitèr la difujion del Covid-19. En ocasion de l'emergenza sanitàra

aon abù l'ocasion de sperimentèr per la comunicacions istituzionèles de la Provincia dates fora da l'Ofize stampa e destinèdes a dut l teritorie provinzièl, na vida de lurèr n muie funzionèla e efizienta che à arseguerà che ge vegne semper manà ai portie linguistiche de mendranza duta la comunicacions da traslatèr. Me augure che chesta vida de lurèr dovente n modus operandi destinà a jir inant tel temp acioche ge vegne

garanti a la jent de mendranza linguistica de vegnir semper informèda te sie lengaz.»

Tel cors di egn, l'atività del Desch à arjont na posizion strategica per chel che vèrda la politiches a favor de la mendranzes linguistiche tel setor de la comunicazion. I mudamenc de endrez e del personal de la Provincia à portà ades a n aggiornament e a na revijion de la com-



La comunicazion ti lengaz de mendranza data fora endèna l lockdown per l'emergenza da Covid-19.

posizion del Desch per arseguerè che l sie semper operatif.

De chest Desch fèsc pèrt Sabrina Rasom responsabola di Servijes linguistiche e culturèi del Comun general de Fascia desche raprezentanta de la comunanza ladina; Mauro Buffa diretor de l'Istitut Mochen/Bersntoler Kulturinstitut desche raprezentant de la comunanza mochen; Anna Maria Trenti Kaufman diretora de l'Istitut Cimbro/Kulturinstitut Lusern desche raprezentanta de la comunanza cimbra; Giuliana Cristoforetti dirijenta UMSE mendranzes linguistiche locales e audit european del departiment afares e relaziions istituzionèles con funziions de coordinament del Desch; Giovanna Chiocchetti al post del diretor de l'ofize per la mendranzes linguistiche de la Region Trentin Sudtirolo desche raprezentanta tecnica de l'Ent; Giampaolo Pedrotti responsabol de l'Ofize stampa de la Provincia de Trent.

MCI